

آبونه شرائطی

ممالك عثمانیه ده سنه لکی (۶۵)، التي
آیلغو (۲۵۱) غروشدور .

ممالك احصیه ده سنه لکی (۱۷)، التي
ایانی (۹) قرانقدور .

اداره خانه

باب عالی جاده سننده دائرة مخصوصه

اضطرابات

آینه بدلی پشندور .

§

مملکه موافق آثار مع الممنونیه قبول
اولنور . درج ابدله بن یازیلر اعاده
اولونماز .

سنگین

۱۳۳۰

دینی، فلسفی، علمی، ادبی، سیاسی هفته لک مجموعه اسلامیہ در.

والله یهدی من یشاء الى صراط مستقیم

صاحب و مدیر مسئول: ع. اشرف ادیب

اتبعون اهدکم سبیل الرشاد

عدد ۲۸۲

۹ ربیع الاول ۱۳۳۲

پنجشنبه

۲۳ کانون ثانی ۱۳۲۹

جلد ۱۱

اضطرابات

رساله من آن امدیغی کو- ترمک شرطیله
بتون یازیلر هر هانکی بر غزته طر قندان
انتباس اولونه بیلیر .

§

مکتوبلرک، امضالرک واضح و اوقوناقلی
اولمسه و آبونه صبره نومروس محقری
بولونمس لازمدر .

§

ممالك اجنبیه ایچون بونه دالر
درسلیرشک فرانسزجه ده یازلمدی دحا
اولنور .

§

پاره کوئدرالیدیکی، ان نه یه دتر ولدیغک
واضحا بیلدیلمی دحا اولنور .

شیراز

دار الخلافه :

نسترن نسوانه حقنه . — در سعادت مرکز قوماندانانك بياننامه می
اولوب مطبوعات مدیریت عمومیه سندن تبلیغ اولونمشدر :
« هر مملکتك كندینه مخصوص و عموجه واجب الرعايه آداب و اخلاق
عمومیه می واردر . هر یرده اولدینی کی مملکت مزدهده آداب عمومیه
حرمتسزك موجب مواخذة اولق درجه سنی تجاوز ایتدیکی تقدیرده
حکومتجه اسباب مانعیه توسل ضروری اولور . حد معروف داخلنده
قادرین وارك حر ایسهده فصلک ار ککاردن قادینلره حتی تجاوزات
لسانیهده بولنانلر بیه حکومت عسکر به جه دیوان حربه سوق اینلمکده
ایسه مخدرات اسلامیه دن ده قیافت و اطواری شکل مشروع معروفی
تجاوز ایدنلر حقنهده حکومتجه لاقید قاننه مامسی طبعیدر . بعض یرلرده
قادینلردن بعضیلرینك كوزه چاربه جق درجهده آچق صاچق طوللا
شمیری حسیات و آداب اسلامیه حرمتكار عائله لری رنجیده ایتکدهدر .
مملکتك هر طرفی ایچون نمونه اولسی لازم کن مرکز سلطنتده بو طر
زده کی مبالا تسرنلنه صورت قطعیهده فقط یالکز حکومتجه ممانعت
مقررر . نسوان و ذکور دن هر کیم اولورسه اولسون وظیفه سی اولمدینی
حالده قادینلره لساناً و فعلاً تجاوزه جرأت ایدرسه اك شدتلی تعقیباته
دوچار اوله جغنی بیللمیدر . عینی زمانده بولیسك تعقیباتنه اوغرایه رق
تجزیه و تشهر اولمق ایسته میان عائله رؤسای افراد عائله سنی عرف
و عادت مملکت دائره سنده تستره مجبور ایتلیدر . در سعادت مرکز قوماندانی

خلیل

حکومتك دینی مرافعه عزمی نظامه رانی . — احکام جلیله اسلامیه
قارشی حرمتسز و متجاوزانه نشریاتلریله افکار مسلمینی رنجیده ایدن اجتهاد
و قادینلر دنیاسی غزته لری بلامدت تعطیل ایدلمشدر .

مدنی امیرادمبرك ماهینلری . — اجتهاد مدنی عنوانیه عثمان
شفیق نامنده بری طرفندن تحریر ایدیلوب شانظ مطبعه سنده طبع و نشر
ایدیلان کتابك مندجارتی سراپا احکام دینه یه مغایر بولمسنه مبنی
طوپلاندرلمسیله برابر محرر و طابیحی حقنه دیوان حرب عرفی طرفندن
تعقیبات قانونیه اجراسنه توسل ایدلمشیدی . بوکره مذکور کتاب محرری
عثمان شفیق پولیس مدیریت عمومیه سنجه دعوت اولنه رق بورساله نك
متصد تحریر و نشری حقنهده وقوع بولان استیضاحده بر قوه قلمیه ابراز
ایدرك خلقك انظارینی اوزرینه جاب و بووسیله ایله كندینه بر ایش
تدارك ایتك قصد و نیتندن عبارت بر منفعت ذاتیه تعقیبی اولدینی افاده
ایدیکی و مملکتك وضعیت و احتیاجی دوشونولیه رك صرف بر منفعت شخصی
تأمیننه تعلق ایدن بوکی آثارك انتشارینه حکومتجه بالطبع مساعده

کوستره مکدهدرلر . منورالفکر و فاضل اولان یرایله قارشو انکیزلر هنره دنسه
ابواب مأموریتی . طبیعی بیوک مأموریتلردر . سید ایدرك ، وظائف عالییه
یالکز بیاض دریلی کندی ابنای جنسلینه حصر ایشلردر . فقط بوحرکتلرینه
اوله بر شکل قانونی و یرمشلردرکه ، زوالی هندیلیری برچوق زمان ایچون
آلدا تمغه موفق اولمشلردر .

خدمات مملکيه کيرمك ایستیانلرك لوندرده کیدوب اوراده امتحان و یرملرینه
دائر بر اصول اتخاذلنمش و بومامرانه اصول ایله اهالی بی اغناله موفق اولمشلردر .
اخیراً هندو و مسلمان قومغرمه لرله مطبوعاتی طرفندن بوحاله قارشو پروتستو
ایدیلرک بالاده کی امتحانك هندستانده عادلانه بر اصول تحتده اجرا اولنسی
هند والی عمومیسندن طلب ایداسی اوزرینه لوندرده دن تحقیقات ایچون صرف
انکیزلردن تشک ایدن بر قومیسون تعیین ایدلش واسکی طاك دوام و ابقاسی اسبابی
بکیدن استحضار ایدلشیکن ، بو ایکنجی عدالتسز لکه قارشو هندستان یریلری ده قوتلی
اولکندن و شهرتلی صورتده پروتستو ایتلریله ، طرز سابقك دوامی امکان خارجنده
کوستره مکه چالیشملر . واک صوکره انکیزلره یریلردن مرکب اولق اوزره
ایکنجی بر تحقیق قومیسونك تعین ایتدیرلمسنه موفق اولمشلردر . مختلط
بو قومیسونك انکیز اعضالری بر ایکی آیدن صوکره هندستانه مواصات
ایدرك یری اعضالره یرلشدن صوکره تحقیقات اجراسنه دوام ایله جکاردر .
بو باده هندستان ایلری کلنلرینك نقطه نظرلینی آکلاقی و افکار عمو
مییه بی حقیه تبیین ایده بیلیم ایچون حکومت محلیه طرفندن بر جوق اسئلیه
حاوی دفترلر ایجاب ایدن اشراف و اعیانه توزیع اولنوب ، مذکور سؤالره
جواب و یرملری رجا ایدلمشدر .

یرایلك مطالبی خلاصه آتیده کی شیلردر :

- (۱) خدمات مملکيه امتحاننده اثبات اهلیت و لیاقت ایدن یرایلك —
انکیزلر کی — خدمات عالییهده استخداملری .
- (۲) خدمات مذکورده عدلیه ، پوسته و تاغرافخانه ، امنیت عمومیه ،
وظائف مالیه ، امور تفیشیه و داخلیه دن عبارت بولندیغندن ، یرایلك وظائف
مذکورده ایدخال و استخداملری .
- (۳) مملکيه امتحانلرینه فقیرالحال اولانلرك اشتراك ایده بیللملرینی تسهیل
ایچون ، امتحانك لوندرده دن هندستانه نقل و اجراسیله ، امتحان قومیسونلرینه
یری میزلك ادخالی .
- (۴) لسان مادر زادلری انکیزجه اولیان یرایله قارشو ممکن درجه
تسهیلات ارائه سی .
- (۵) اثبات اقتدار ایدن یری مأمورین مملکيه سنه ، انکیزلره و یریان
معاشات و تعیناتك عینك اعطاسی .

حاصلی بوکی مطالبده بولان یرایلر کوندن کونه کسب قوت ایلکدهدرلر .
انکیز اداره سی بولری قوتلی ، متانتلی ، جسور کوردکجه مطالبلرینی ترویج
ایده جکنه شبه یوقدر .

کنجولره ، کنج و کرایلر بوکی جربانلرك حصواته بذل مساعی ایلکدهدرلر .
القاب مطنطنه یه مالک اولان و انکیزلرك آپاق قابلرینی سیامکی شرف تلقی ایدن
اسکی قفایلرک نفوذی کوندن کونه محو اولغه باشلامش و (هندستان هندیلرکدر)
فکر مستقلنی طاشیان ، تربیه و تحصیل کورن ، جسور کنجولرک نفوذی کیتدکجه
آرتمدهدر . لوندرده کی سید امیر علی نك استعفا سی بومدعیاتی تأیید ایدیور .

س . م . م . توفیق

(رفون) دن :

مرکز اداره سی اولان دهلی ده متشکل خدام الکعبه جمعیتک یازدینی بر مکتوبه بروجه آتی اداره کلام اولمش در :

« طرابلس غرب و بالقان حربندن صکره بتون مسلمانلر شرقک تک بر حکومت اسلامی سی اولان دولت عثمانیه حقنده پرورده ایدیلن سوء قصدلری و عثمانیلرک طریق نجاح و ترقیسنده ایقاع اولنان مشکلاتی بک رعنا اکلادیلر . حکومت عثمانیه ، اوریلان ضربلر ، ایقاع ایدیلن مشکلات قارشوسنده کندی بلادینک تعمیریه ، ماتنی آرهسنده علوم و صنایعک نشر و تعمیمیه اشتغال ایده جکلری بر زمانده فرصتجو محترصلرک تجاوزلرینه بیک درلو دسیسه لرینه فصل مقابله ایده جکنی بیلیموردی . شمعی شو مصائب حاضردهن متنبه اولان اسلاملرک ، بلکه بتون شرقیلرک اک بیوک برامی وارایسه اوده دولت عثمانیه نک قوتلی وهر جهتدن مرقی اولسیدر . بوراده کی مسلمانلر خدام کعبه نامیه بر جمعیت تشکیل ایتشلردر . مقصدلری حکومت عثمانیه یه حریمین شریفینک حفظ و حمایه سیچون هر دورلو معاونت ایتکدر .

مهرام کعبه جمعیتک نشیانی . — هندستانک «خدام کعبه» جمعیتی مرکز عمومیسنک اخیراً دلیده اردو و عربی لسانلریله بویوک برغزته نشر و تأسیس ایده جکلری خبر آلمشدر . بوجعیت آداب اسلامییه هرکسه کمال وضوح ایله آکلامق ایچون ممالک اسلامییه نک جهات مختلفه سنه مرکز عمومی سی اعضا لرندن مقتدر هیئت ناعملر کوندره جکدر ، هندستانه مختاریتی . — کچن آی ظرفنده هندستانک نیشاورور شهرنده هندستان ملی قونفره سنک عقد اجتماع ایدرک مسلمان و هندو خطیلرک مختاریت لهنده نطقلر ایراد ایله حرارتلی آلقیشلره مظهر اولدقلری و « بتون شرقیلر حکومت عثمانیه یه درت آل ایله صاریلیدرلر . چونکه حکومت مشارالیه شرقک صوک قاعه سیدر » طرزنده اتخاذ مقررات ایلدکلری جمله مستخبر اتمزدندر .

§ هندستانک (آغره) شهرنده هند مسلمانلری قونفره سی کچن هفته ظرفنده عقد اجتماع ایلیرک جمعیتک نظامنامه داخلی سی تدقیق و بعض مقررات اتخاذ ایلشدر . بوائنده مختاریت علمهنده بیان رأی ایدن برمرخص ایصلقلره سکوته مجبور ایدلش و هندستان اهالیسنک شیعی و غیرت و ترقیلری سایه سنده مختاریت ذکله استقلاله بیه ابراز لیاقت ایده جکلری بیان اولومشدر .

اوروپا :

اوروپا ایلری آره سنده انتشار اسلامیت . — انکلتزه مشاهیر اغنیاسندن لورد هدلیک اخیراً شرف اسلام ایله مشرف اولمش متعاقب دین اسلام ممالک غریبه ده پیدرپی ده واسع بر ساحه داخلنده کسب انبساط ایلکه باشلامشدر . بوجهلدن اولمق اوزره صوک هفته لر ظرفنده باحقیقاً معتبراندن ویقوت دوویرت ایله انکلتزلی دوق اوف لیسترک

ایدله یه جکندن محرری حقنده دیوان حرب عرفیجه تعقیبات قانونیه اجراییه ابتدار اولندینی استخبار قلمشدر .

طرابلس :

طرابلس غریبه ایتالیانلرک تزلهی ! — « الشعب » غزته سنده او قوندیغنه کوره (زاویه بیضاء) ساحلنده (حنیه) نام موقعده مجاهدین اسلامییه ایله ایتالیانلر ارسنده شدتلی مصادمه لر وقوع بولمده در . ایتالیانلر مجاهدلرک بولندینی مذکور محلی اشغال قصدیه یدی بیک کشیلک بر قوت ایله تجاوزه باشلامشدر . (درسه) قبیله سی شدتلی بر محاربه نتیجه سنده ایتالیانلری مغلوب ایتمشدر . مجاهدین اسلامییه ۷ طوپ ، ایکی یوز اسیر ، بر قاج تفنک ، بر چوق ارزاق غنیمت آلمشدر . در . ینه رفیق عزله الشعب غزته سنک استخباراته کوره بنغازی حوالیسنده (بانق روما) یه عائد ۱۲۰۰ قویون و ۷۰ ماندا (عواقر) قبیله سی طرفندن اغتنام ایدیلشدر . (درنه) دن (عقبه) یه کیتمکه اولان بر ایتالیان قافله سندن یه ایکی اوتوموبیل و بر چوق اموال آلمشدر . سید سنوسی حضرتلری (کفره) یه ۲۰۰ دوه یوکی تفنک و سائر لوازم مدافعه ارسال ایتمشدر . (برقه) حوالیسنده و مجاهدین اسلامیه نک بولندینی یرلردن آلتان خبرلره کوره او حوالیده یاغموورلرک مبدولیتی ، زراعت و تجارتک ترقیاتی مجاهدلره یکی بر شوق جهاد و یرمشدر . نقل اولندیغنه کوره سنوسی حضرتلریله صالح حقنده مذاکره ایتک ایچون اوچنجی بر هیئت کوروشمک ایسته مشلر ایسده یه قبول ایدیلیرک خائباً عودت ایتشلردر . (درنه) ده و بادن ایتالیانلر و اهالیدن کونده (۲۵) کیشی یه یقین و قیات واردر . بنغازی ایله درنه ارسه سی برآ بتون بتون مسدود بولنیور . ایتالیانلر طرابلسده کی اسلاملری ایتالیان ضابطی کورونجه سلام و یرمکه جبر و تضییق ایدیورلر .

مصر :

مصرده مجلس تشریعی نک رسم افتتاحی . — مصرده بوسنه تشکیله انتظار اولنان (مجلس تشریعی) مراسم مخصوصه ایله افتتاح اولمشدر . مصرک یکی مجلس اعضای اهالی طرفندن عمومی صورتده انتخاب ایدیلش بر جمعیت تشریعیه در . سابقاً مصرده (شورای قوانین) نامیه یاد اولنان مجلسک یرینه بوجمجلس تشریعی قائم اوله رق اعضای مذکور مجلس اعضاسندن ده چوق امتیازاته مالک بولنیورلر .

حکومت مصریه نک مذکور جمعیت تشریعیه نک مقرراتی و اجرا آتی حقنده نه درجه مساعدت کوستره جکی و جمعیت مذکوره نک آتیا فصل بر خط حرکت اتخاذ ایده جکی هنوز مجهولدر .

هندستان :

هندستانه مهرام الکعبه جمعیتی . — « الشعب » غزته سنه هندستانک

همشیره سی لهدی قوپولد و دیگر بر روسیه لی اسیل زاده دخی دین اسلام ایله مشرف اولمشلردر.

جاوا :

تظاهرات اسلامیه . — باتاویاده متحیزان اسلام دن فضیلتلوشیخ منقوش افندی حضرتلری طرفدن دونای عثمانی اعانه سی اوله رق ۹۸۴ غروش باتاویا باش شهنبدری رأفت بك افندی واسطه سیله جمعیت مذکوره صندوقه تودیع اولمشدر . مومی الیهك ابراز بویوردقلری حیت اسلامیه شایان تقدیردر .

« شرکت الاسلام » جمعیت دینیك بویوك بر اجتماعی . — (مسلم دورلو) رساله سنك استخباراته نظراً جاوا آطه سنده (صولو) موقننده اخیراً بر اجتماع عقد ایدلش و بونده (۳۰۰۰۰) کشیدن فضله اعمالی حاضر بولمشدر . (شرکت الاسلام) جمعیتی طرفدن عقد ایدیلن مذکور اجتماع بك اهمیتلی اولش و حکومت طرفدن ایشلتیلن شهنبدو فرلده مستخدم (۱۶۰۰) عمله ده اجتماعه قبول اولمشدر . جمعیتك رئیس حاجی (سامانودی) ورئیس ثانی ، (سورابایا) غزته جیلرندن (دوقه و آمتوتو) ایدی . رئیس ثانی طرفدن ایراد ایدیلن بر نطقه حاضر و نه بیان خوش آمدی ایدلد کدن صکره فلمنك قرائیچه سی (ویله چین) ك اساسی ذکر اولمشدر . رئیس ثانی (شرکت الاسلام) ك تشککندن مقصد ، منافع اسلامیه ی ، صنایع داخلیه ی ، سربستی و اخوتی وقایه ایمك اولدیغنی سولمشدر . ظن اولندیغنه کوره (شرکت الاسلام) کنج جاوالیلر طرفندن تأسیس ایدلش اولان (بوندی اوئما) نامنده کی جمعیتك خلفیدر . فقط یکی جمعیتك تشکیلاتی دها واسعدروسانی سیاسی بر ماهیتی حائز اولدیغنی حالده (شرکت الاسلام) دخی بر جمعیتدر . (شرکت الاسلام) ه رقابت اینك ایچون (موجود وارنو) خرسیتیانلری ده آیریجه بر جمعیت تأسیس ایشلردر . بونك ایچه اعضایی واردر . میسیونرلردن بری جاوا احوالندن بحث ایتدیکی صیده دیور که : « بو حرکاتك استقبالده نه کی نتایج تولید ایده چی شمدیدن کسیدریله من . یالکن شوراسی معلومدر که صوک بر قاچ سنه ظرفنده جاوا افکار غمویه سنده یکریمی بش سنه ظرفنده اولدیغندن دها بیوک بر تبدل حصوله کلمشدر . جاوا دخی بر دوره جدیدده اوکنده بولنیور . »

چین :

چین مسلمانلریك قیام و حرکتمری . — (وقت) غزته سنك خاربین مخبری یازیور : اقصای شرق خلقی آرمسنده ژاپونلردن بشقه هنوز هیچ بر مت کندی استقبالی تأمین ایده مدی . افکار مایه نك حکم سورمه مدکی برلده خلق نفدر غلبه لی اولسه ینه اومملکتك حریت واستقلال ممکن اوله یور . ایشته بو حاضر سز انوام آرمسنه صوقولان اوروپالیلر ایرانده ، فاند ، نصل نصل هریشی یاییورلرله جینه ده عینی فلاکتلری احضار اینکده یکیمدیلر . چینده داخلی اختلالر ، قتل عاملر ، حالا دوام ایدیور . خلق بو قارغشه لفلردن اوقدر متضرر اولور که تعریفی قابل دکدر . احوال اقتصادیه بك بر باد بر حالده در . « چینك اکهم انسامندن اولان مغولستان ، تبت آناوطندن آریله لیدن بری هرکون یکی بر اختلال حوادثی شیوع بولیور . کرچه یوان شی قای بوحرکاتك جمله سی باصدیردی . فقط قازانیلان مشروطیت یوان شی قایک دیکتاتورلکندن بشقه مملکته برشی قازاندیرممشدر . ایوم چین پارلمنتوسی اعضالریك اکثریتی حبسه آتیاییور ، سورکونه کوندیریاییور . پکین اطرافنده بوکونه قدر قاچ زواللی چین کنجی دار آغاجلرنده جان ویردیلر . دیگر منشور کنجلرده قورقورلندن اجنبی مملکتلره فرار ایدیورلر .

چین مسلمانلری ایلك آن اختلاله یوان شی قای طرفنی طوتدیلر . او زمان رئیس جمهور زواللی مسلمانلره نلر وعد ایتمه مشدی ؟! نقط شمیدی مسلمانلر

حقنده عین آدم (یوان شی قای) بك ظالمانه بر صورتده حرکت ایدیور . کچنلرده بتون چین مسلمانلریك حرمت و محبتی قازانان (آئی قوباو) غزته سنك صاحی محمد صالح بوغدار دیکتاتورك امریله دار آغاجنه چککدی . بوکون چین مسلمانلری حقیقتك نه مرکزده بولندقلری آکلامش بولنیورلر . لکن اللردن نه کلیر ؟ بتون بو مظالمه نهایت ویره بیلک ایچون بیلکدره صارصیجی بر قوت کرکدر . مسلمانلر زواللی محمد صالح ایچون آصیلدیغنی حکومتدن صوردیلر . فقط متکبر حکومت مأمورلری بوسؤاللره جواب ویره که لزوم کورمدیلر . حکومت طرفدار غزته ل آصیلان مسلمان غزته چی حقنده بیک درلو افترا لده بولنیورلر . حکومت غزته لری مسلمانلره غایت فنا مفتریات اخلاقیه ده بولنیورلر . بونفیریات اوزرینه پکین مسلمانلری آرمسنده مدهش برغلیان باش کوستردی . درحال متینغلر عقد ایدلدی و حکومت پروتستورل یاغدی برلدی . وقعه قانسو ممالکنده ده عکس ایتمشدی . درحال بتون قانسو مسلمانلری حرکت کلدیلر . ایوم اختلاللیرك عددی اوتوز بیکه بالغ اولمشدر . بتون بوناق دواثره هجوم ایدوب حکومت طرفدار اولان مأمورلری تپلمکه باشلادیلر .

اختلاللیر آرمسنده کلیتی عساکرده وار . سولندیکنه کوره بو اختلال مدهش بر قیام عمومینک مقدمه سیدر . بودفعه بتون مسلمانلرK اختلاللیر طرفنی طوته قیلری سولنیور . قانسو ممالکنک چیندن آیرلسی ایوم موضوع بحث اولمده در .

بوکون پکین شهری مدهش بر دوره بجران کچیریور . یوان شی قای آصوب کسمه ده دوام ایدرسه آرتیق بتون خلقك بوظلملره بر نهایت ویرمک اوزره مشترکاً اجرای حرکات ایده چی طبعیدر . وقوعاتك صوکی نه یه منجر اوله جنی کسیدریله میور . وقعه بوکونکی حالی کشمکشد ده دوام ایدرسه اجنبی مداخله سنك وقوعی محتملدر .

ایران :

ایرانده مشروطیت . — ایران غزته لریك بیاننه کوره ایرانك هر طرفنده انتخابات کال کر می ایله دوام ایدیور . روسلرک زیر استیلا سنده بولنان اذربایجان حوالیسنده اکثریت اهالینک جهالتی و خارجی انتزیه لرك تأثیراتی سایه سنده بوکونه قدر انتخاباته اشتراک اولنمامشدر . تبریزده روسلرک انتزیه لرینه الت اولان علما و اهالی دن بر زمرة قبله انتخاباته اشتراک ایتمکدن علناً دیکرلریخی تحذیر ایدیورلر . تبریز حاکمی صمد خان اهالی یی روسلرک اینده اجرای تظاهراته و حکومت مرکزیه نك اجرا آتنه مخالفت کوسترمکه جبراً سوق ایدیور .

یمن :

امام یحیی حضرت تبریک رونامه معارفی . — امام یحیی حضرتلری طرفدن دونای عثمانی جمعیت ۲۱ کانون ثانی ۳۲۹ تاریخله کن تفراننامه صورتی در : « بسم الله الرحمن الرحيم . عثمانی دوناماسنك تقویه سی ایچون سلطان عثمان نامنده کی بویوک حرب سینه سنك آلماسی بزی عظیم سرورلره غرق ایشدر . بو مقصد خیر اوغورنده والی ولایت محمود ندیم بك افندی یه بیک عدد عثمانی آلتونی تسلیم ایدم . جناب حقدن نیاز ایدرم که بو مساعی جیه مبدأ فتوحات اسلامیه یه وسیله اولسون . دین مبین اسلامه خدمت ، شریعت مطهره یی حمایه ، دیار مسالیمینی محافظه ، و کائنه قلوب اسلامیان جمع و جناب حق جلّه منی موفق بویورسون آمین . » امام یحیی

« توسیع طباعت » مطبعه سنده
ع . اشرف ارباب